



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

XXXVI. Die Markgrafen Ludwig d. R. und Otto belehnen die von Bartensleben mit dem auch Möckern genannten Dorfe Errleben bei Osterburg, am 26. Mai 1362.

---

---

**Nutzungsbedingungen**

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

XXXVI. Die Markgrafen Ludwig d. R. und Otto belehnen die von Bartenleben mit dem auch Möckern genannten Dorfe Erxleben bei Osterburg, am 26. Mai 1362.

Wi Ludwig der Römer — Marggraf — vnd Otto — Bekennen — dat wi den vesten luden Guntzel van Bertensleuen, hern Buffen sone, de dot is, vnd Guntzel van Bertensleuen, Gunthers sone, de ok dot is, — vnd eren — erfen — hebben vorlegen — to einen rechten leine dat dorp Arxleuen, dat man ok numet Mokern, dat Coppeken van Briffik van vns tu pande heft gehat, dat sie van demsuluen Koppekine gelofet hebben vmme twei hundert vnd twintich mark Brandenburgischen suluers vnd gewichtes, mit dem kerklene, med pechte, tinsē vnd Bede, med wagentienste vnd med allen rechten vnd med allen guden, de tu dem — dorpe van alder vnd van rechte gehort hebben, — med dem schulten vnd med allen, als ed de — Coppekin — van vns to pande gehat heft vnd beseten, Vorbat van vns tu enem rechten leyne fredeliken tu hebben. — Darvmb hebben die — von Bertensleuen van vnser wegen gegeuen Henneke van Kröchern einen hengst van vier vnd dritich marken vnd hebben vns ok leddich gelaten des schaden eines hengestes vnd perde vnd ok der terunge, de se in vnser dinstē gedan vnd gedragen hebben, dun wi weren getogen in der jungen Hertogen land vpe desse siden der oder, Des summe med enander loupt vp hundert vnd vp vertein mark Brandenburgischen suluers, so dat wi des — geldes van en sullen ledigh vnd los syn vnd ok vp tein mark Brandenburgischen suluers, die sie reide vnser diner — gegeuen hebben, die ok in der — summen gerekent sin —. — Dar ouir sint gewest de vesten lude her kerften Bosel, vnser Houetmann, Wedege van Wedel, Dobirgost van der Ost, vnser vögedo, Petir van Trutenberch, alle riddere, Geuehard van Aluensleuen, Otto Morner —. Gegeuen tu dem Soldyn — dusend iar, drehundert, in dem twei vnd Sestigsten iare, an vnser herren hemeluart Jesu Christi.

Nach dem Original im Wolfsburger Archive.

XXXVII. Die von Bartenleben belehnen die von Grabow mit Grabow, am 29. September 1362.

We her Ghintzelen, her Werner, riddere, Ghunter vnde Hinric, vnser brodere, wonhaftich to dem rodenhoue, Werner, Ghintzelen vnde Junge Ghintzelen, alle gheheten van bertensleue, — bekennen — dat we lien — to rechteme lene Hinrike vnde Hermenne, brodere, gheheten van grabow, hermannes sone, dat dorp to grabow vnde de tegheden ouer dat velt to grabow — vnde den meygerhof to grafforte vnde den tegeden ouer dat velt to grafforte — also dat de eldren vor vs hebben ghehat —. — Gheuen — dritteynhundert Jar, in deme twe vnde sestigsten Jare, in sunte Michabelis daghe.

Nach dem Original im Wolfsburger Archive.